

宛委山房集

七子詩選 卷十三

嘉定曹仁虎來般一字習菴

擬左太冲招隱

弱歲覽圖史悠然念空谷側聞赤松流幽棲寄高
躅朝霞漾清波夕露滴疎竹忘機林中禽適性松
下鹿生平邱壑心不俟季主卜桂樹生空山秋草
萋以綠歲晚期故人誅茆返初服

擬陶淵明田居

勞生厭人事頗喜山澤游一與世網嬰懷役徒煩
憂幸踐班生志被褐歸林邱茆茨俯隴畝竹木依

清流春時靈雨過植杖來南疇稍欣禾黍繁此外
將安求逍遙齊物化願言師莊周

擬謝康樂遊山

夙懷蹈海心頗抱鑿坏想今晨策孤筇始欣謝塵
鞅循涂闢荒榛選勝披宿莽浮雲觸石生朝日緣
崖上柔萸露猶滋遠澗泉時響覽物娛營魂於茲
遂偃仰寄言沮溺流幽棲共來往

擬鮑明遠從軍

北風吹斷雁哀鳴思故鄉遊子適絕域中夜徒傍
徨悠悠去咸里惻惻事戎行山川阻積雪甲冑蒙

嚴霜驚沙走亂石，堦火遙相望。報國志所切，懷家情難忘。側聞悲笳聲，淚落沾衣裳。

宋徽宗畫龍圖歌

黑雲四罩天冥冥，開緘白晝生風霆。飛龍躩踞勢千丈，入眼狡獪盤精靈。曹興僧繇久不作，點睛妙蹟悲零落。生絹一幅出人間，道君御筆猶如昨。太清樓迴清無塵，淋漓溼墨若有神。想當興酣揮灑處，鱗甲隱現形蝘蝓。虛堂咫尺波浪湧，電影下上雷車動。日光幽曠不到地，慘慘層陰浩呼洶。長天來往隨秋旖，排雲直上千重霄。衙衙出海海水立。

老蛟夜泣鼉鼉逃神物變化由朝暮攫網盤挈勢
猶怒炎天六月百草枯安得馭爾乘風去靈隆烈
缺前後隨萬里長空起煙霧左方題識尤蕭疎宣
和故印知非誣依稀一十有六字墨點黹黹光模
糊當年內府藏珍玩文物爭傳五嶽觀寶軸牙籤
入網羅雲綾算錦餘璀璨一從板蕩歸靖康咸豐
門外烽煙長汴京事去不復振珠襦玉匣淪滄桑
乃知圖畫事本細盛主奚須誇末藝通靈入妙總
虛名魚服倉皇究何濟鱗而爪鬣不關愁舊蹟摩
挲淚欲流寂寞真龍歸朔漠興亡千載恨悠悠

寄陳見復先生

日落虞山道林霏深萬重我來殘雪後隱隱暮天
鐘試問玄樓者誅茅第幾峯何當拂水上趺坐對
長松

虞山

曉色開晴嶂烟嵐望不分林光微露日石氣欲生
雲遠瀑松間落疎鐘嶺外聞空山少塵色閑訪鹿
麋羣

三峯

松風萬壑來送客上峯頂寒泉聲泠泠稍覺衣袂

冷紺宇出林端，遂造招提境。竹梧生晚涼，蘿薜散清影。憑高俯層岷，湖波瀉萬頃。疎鐘時一聲，四山接暮景。返照留青林，孤雲度翠嶺。依依寒樵歸，隱隱宿鳥靜。振策下平岡，前村亂煙暝。

宿中峯講寺

暮色蒼然來歸路，月在澗名藍。敞林間深樹，棲鳥亂入寺。煙景昏香厨，出麻飯龕燈照。跏趺夜靜滅，聞見開簾對。西山清景紛可玩，修竹連崇岡。白雲自舒卷，松濤谷口生。泠泠動高館，坐久漏漸深。鑪香歇幽幔，巖虛磬響清。頓覺塵夢斷，雲谿興自遙。

世網情已倦何當永棲遲蓮社庶可踐

尋拂水山莊

烏目山邊磴路長登臨重問耦耕堂休文舊宅荆
扉掩孝穆遺齋竹徑荒名重空傳歸黨籍位高那
許謝巖廊薜蘿往事成銷歇只有流泉送夕陽

幽澗泉

白石皓皓青松陰陰飛泉遙掛西山岑琮瑤百折
深復深山人閒抱朱絲琴撫絃掩抑揚清音風吹
萬壑聲入林徘徊中夜愁人心石瀨分潺潺東流
兮不還秋氣颯沓陰潭寒美人日暮隔千里但聞

斷嶺哀鳥叫嘯蒼崖間泉聲琴聲兩不辨十指似
向空中彈空中彈響不絕清商急羽傳林樾餘音
嗚咽不成眠幽澗沉沉落寒月

題華嶽圖

縹緲蓮花最上頭披圖疑作御風游丹梯遠壓三
千里白帝高懸十二旒玉女池虛雲氣合仙人掌
冷月華流河山襟帶休重問漢苑秦城異代愁
鐵鎖冥冥萬仞開巨靈高掌鬱崔嵬二岑日落黃
河急三輔雲生紫氣來亂石半封毛女洞寒蘿遙
掛叔卿臺何人獨趁長風去夜跨青鸞弄笛迴

嶺接蒼龍望渺茫，削成石壁鎮金方。
水聲一線通澧渭，闕勢千尋壓雍梁。
古澗蓮開雲杳杳，靈壇木落氣蒼蒼。
百神觴豆今何在，欲向明星問玉漿。
層臺壁立削芙蓉，彷彿鈎梯紫翠濃。
地入西秦分兩戒，天廻斗北掛三峰。
寒雲暗起巖邊井，遠瀑晴飛石上松。
五嶽前盟何日遂，真從絕頂挾茅龍。

秋夜

涼月照高柳，草堂夜氣分。
疎燈寒欲地，遠磬靜初聞。
葉落全疑雨，池荒半是雲。
更闌不成寐，蕭瑟感離羣。

離羣

題王琴德三泖漁莊圖

迢迢三泖煙波遠，曲渚清溪自迴轉。
紅樹微茫映晚汀，白雲隱約生遙巘。
高人雅尚寄菰蘆，鮭菜江鄉樂有餘。
爲愛閒居尋水石，好將急跡狎樵漁。
漁歌杳杳秋將暮，飛鳧斷雁紛無數。
寒潮遠接陸機葦，落日晴連黃歇浦。
朅來憔悴帶江關，鱸膾西風憶故山。
愁邊醉舞心猶壯，客裏商歌興未闌。
披圖示我幽棲樂，荻花楓葉何蕭索。
點點晴波雨後添，層層秀嶂烟中落。
雲山如此足平生，底用悠悠世上名。
簪笏自得浮家趣，蓑笠閑尋泊宅盟。
吾亦風

廣作客久鄉園景物頻回首三秋共上秣陵船十
載空沽吳市酒泖湖東望水粼粼薜荔栽衣穩稱
身何當一棹從君去同作江村把釣人

鄧尉山探梅

谷口探芳去溟濛雨後天寒煙雙崦樹暝色五湖
船素影侵樵徑幽香帶石泉盤輿更回首杳杳數
峯連

鄧侯棲隱地碧嶂自煙霞古寺留春信空山識歲
華夕陽千樹暝殘雪一枝斜何處歌聲起行行問
酒家

過何山下作

一徑入空翠衆峰多白雲
言尋高士宅落葉自紛紛
我亦思通隱行吟對夕曛
青芝巖際月夜夜爲夫君

舟宿惠山寺前曉起

斜月入蓬窗夢回暗泉響
深談不成眠遙夜得幽賞
漁歌何處來隱隱聞蕩槳
空林斷霧橫野成寒星朗
清陰媚淪連遠色迷滉漾
浮嵐滿前山稍見朝旭上
平生邱壑心暫此息塵鞅
微微水氣涼浩浩川涂廣
解纜隨輕鷗烟波共長往

泛舟紅橋遊平山堂作

清遊陶嘉畫鼓柂紅橋陰遠暉已照席殘雨猶濡
襟在渚延澹蕩芳園矚森沉亭幽面近汜閣迥臨
遙潏密篠初出圓疎葩乍辭林淺茸冒素筍喬樹
喧文禽曖曖霧交影瀏瀏泉送音感辰有新賞逢
境無故忱逍遙契盡旨一展風中吟

蜀岡何峩峩窈窕入靈境言遵柳下隄遂陟松間
嶺蕭寥古座閒杳靄修廊靜瀾漪水平池凜冽泉
出井映涼情已移凌穹目先騁院邃藏聽音窗虛
掛旭影朱樓霞外明白塢霧中迥縹緲縈清輝延

迴挹麗景玄賞一以符庶令塵慮屏

歐公昔遊賞堂構留成規嵌厓架屋庶削石平階
基移花向水曲種柳臨山陞紅粧曉侑酒綠筆宵
題詩悵彼文采歇傷茲歲華馳碧萋自宛宛丹弁
猶依依乍展羞藻慕彌深入林思烟雲變勝趣巖
壑存幽姿悠然念遺澤三復瓊琚詞

暝色生前村空鏡理歸櫂茂林無停颺幽壑有返
曜薄靄明水容濃烟蔽山貌境寂符遠懷途迴阻
遐眺浦塘自逶迤樓觀彌窅窅微聞短笛飄忽覩
明燈照飛觴締群歡豎拂譚衆妙閒隨鷗鷺盟暇

擬鳳鸞嘯相期答清嘉永獲知仁樂

沈翹愚夫子招同諸子集聽松軒聽張崑

南彈琴

闔閭城邊作客久出門一笑逢良友座上爭吟白雪篇樓頭更貰黃罍酒山人磊落良可喜愛把閒心寄綠綺古調遙從賀若傳清音妙解牙生理撫桐理軫久遲遲目送孤鴻有所思當筵爲鼓聞蟬曲傾耳還聽別鶴辭初拂冰絃定宮羽春和日暖幽禽語忽如一夜秋風吹落葉颯颯玄霜飛大絃和平小絃續寂寞空林雉登木絕澗遙鳴萬壑松

飛梁亂灑千尋瀑絃悲調促音漸高興酣拂袖彈
離騷靈均憔悴山鬼嘯青楓斑竹聲蕭蕭哀猿晝
啼巫峽雨冷雁夜叫湘江濤砉然一響停素琴虛
堂六月雲陰陰回看四座寂無語但覺悠悠山水
心如君意氣真瀟灑落拓江湖復幾載入市韓康
隱遁深窮途阮籍猖狂在人生會合如雲煙雄飛
雌伏皆隨緣世人徒尚箏笛耳廣陵一絕餘千年
只今握手聊復樂當杯起視天寥廓求點難忘邱
壑盟向禽肯負煙霞約石公山下水沄沄何日攜
筇對夕曛臨風奏罷清商曲縹緲峯頭臥白雲

約游
色山

小吳軒

綠樹歌疎雨人家春鳥鳴斷雲諸寺出斜日半山
明古澗淨苔色空林來梵聲劍池今夜月還照闔
閭城

山塘雜詩

長隄細草碧于煙扇影衣香盡可憐一片魚鱗春
漲暖東風齊放木蘭船

桐橋西去柳如絲薄靄輕陰欲暮時好是落花風
信急水晶簾捲燕歸遲

樓閣參差護絳紗畫闌畫靜歇琵琶踏青人去真

娘墓開盡緗桃一樹花

鴨頭新水望迢迢
花市人家七里遙
約畧年時沽酒路
澹煙微月赤欄橋

溫鼎香添麝火微
輕寒翦翦入羅衣
杜鵑開後春無力
又見天涯柳絮飛

落紅幾陣濕香泥
寶勒鈿車到欲齊
深巷綠陰二月晚
一簾疎雨亂鶯啼

娟娟風露轉蓮更
翠箔銀燈一桁明
聽到紫簫吹入破
玉羅窻外月初生

斗載尋芳載酒過
傷春傷別奈愁何
白公隄畔銷

魂處暮雨瀟瀟一曲歌

贈翁朗夫徵君

君山門掩獨幽居六聘還聞列里閭雅尚早看紉
蕙苴新詩爭愛比芙蓉狂歌草澤羞逢世抱病風
塵好著書正喜襄陽耆舊在不妨來往共樵漁

贈惠定宇徵君

抱影衡門謝世途長從經義翦榛蕪身通六籍方
成博學貫三才始號儒老輩典型誰足並清時文
獻未全孤青山底許容高臥又見蒲輪下帝都

惠泉

蒼蒼西神山龍角瀉泉脈澄泓識坎止寂靜涵兌
澤空林微雨餘古澗暎寒碧誰攜團月來孤踪思
曩昔

毘陵曉發

濕雲欲連山寒月猶掛樹解纜溯輕波迢迢西蠡
路荒雞喚前村落雁低古渡忽聽漁歌聲蒼茫不
知處

潤州

岩堯天塹枕江關鐵甕風高畫角聞隱畔江聲收
萬里鏡中黛色湧三山南徐重鎮寒燠外北府荒

營落照間轉眼茫茫與廢事海門寂寞暮潮還

焦山瘞鶴銘歌

海門一島峙浮玉芙蓉削出青巍我岷濤浩蕩來
九派蒼厓白浪相吞摩朱方鶴化不復返仙魂寂
寞留巖阿元黃幣裹詎草草製銘立石臨江波常
年書法參楷隸體勢寧論籀與蝌文成勒自焦山
足百七十字驚蛟鼉壬辰甲午書歲月但少姓氏
深鐫磨華陽真逸存舊蹟流傳久遠世則那或云
出自羲之筆珍重往往比換鵞或云道號本顧况
紀年惜未符元和或云魯公或王瓚紛紛議論偏

齟齬

魚河切

黃

容

董

道

好古有真鑑經函道藏窮搜羅

書銘斷自梁天監陶公貞白無差譌年深直堪媿
鄒嶧辭妙那復推孝娥整斜睨翥鸞鳳高下宛
轉纏蚓蛇鍼芒層層屈鐵石點畫隱隱森矛戈焦
先祠邊古洞下夜夜光氣騰寒蘿何年石裂墜水
底長風捲浪生盤渦雲昏遙聞林木震月暗疑有
鬼神呵魚龍巖巖時出沒但見釣叟尋漁蓑長松
絕澗勢千仞行人欲到愁逶迤纖波濃點漸摧蝕
空餘石髮垂鬢髮秋冬水落山骨露搜訪始可停
輕艇探幽歷險吁足畏仰視峭壁高嵯嵯沉淪回

首七百載至寶豈竟埋煙莎
滄洲陳公頗好事懸
緼昇出歸山坡捫苔剔蘚
頻拂拭纍纍漫漶疑蟠
蝸三間亭子翼其上此石
屹立無偏頗鐘魚粥鼓
伴晨夕閱人塵劫如恒河
山中昔傳周古鼎海雲
堂裏供摩挲碑文千載相
輝映神物可貴當如何
生平金石有嗜癖壯遊五
嶽猶蹉跎三年西望隔
揚子菰蘆砭砭空吟哦
竭來京口秋正暮山光隱
現連青螺松寥爽氣忽在
眼布帆飽掛如投梭丹
梯碧磴望不極支筇直上
凌盤陀通明法書喜未
沒勝獲虞雖兼周犧與宗
子厚放据遠細觀寧免

有齧齧依稀六十有三字其餘欲讀但口呿吾聞
岐陽鑿十鼓昌黎子瞻通作歌形質雖存字跡闕
萬里零落隨明駝又聞鴻都石經本遺踪轉眼雲
煙過俗書相傳日謬誤望古揮淚空滂沱今觀此
碑重太息坐臥三日知非多江風海雨不剝落永
鎮禪窟期無他徘徊絕頂罷高唱曉暎飛上扶桑
柯

金山

妙高峯上勢崔嵬振策登臨秋色開萬里岷濤浮
島嶼九枝海日掛樓臺微茫城郭朱方近隱約帆

檣白下來玉帶風流今寂寞坡陀醉臥看潮迴
亭亭紫翠湧中流貝闕珠宮最上頭地濶魚龍時
隱現天低日月共沉浮千家樹色西津渡一片烟
光北固樓極目高秋清海戍舟航縹緲達滄洲
傑閣涵虛俯大荒南徐木落氣蒼蒼楚吳地敞連
平遠江海潮回接混茫塔勢直凌飛鳥上鐘聲遙
出亂峯旁憑高釃酒悲天墜畫角西風夕照黃
海門東望晝冥冥碧磴丹梯次第經水月何人觀
靜悟風塵有客歎飄零浪連鐵甕無邊白山到金
陵不斷青日暮高歌豪興在自將活火試中泠

渡江

秣陵秋色近如何
葉葉風帆破浪過
獨枕寒潮閒聽雨
五湖東望白雲多

卞忠貞墓

內史稱兵急陶公
赴救遲江山多難日
甲冑致身時
碧血魂猶怒青溪事
可悲冶城松柏路
風雨捲靈旗

大義推溫嶠清言笑
阮孚重泉猶握爪
八口共捐軀斷碣荒苔蝕
靈祠落日孤石城
忠孝並千載有司徒

泛舟秦淮聞笛有寄

鼓柁向秦淮三更氣超忽娟娟風露寒滅燭伴清
絕白下來遠鐘青溪上涼月回首長板橋繁華一
朝歇畫閣俯澄波綠楊漸蕭瑟何人尚倚闌笛聲
起清越秋高萬籟虛水調自嗚咽棲鳥驚未安斜
漢澹將沒天寒離思盈美人千里別烟波江上深
寂寞音塵闕微微山漏沉冉冉鑪烟滅獨坐對金
波悵然望天末

登雞鳴寺

南登覆舟山遙望臺城路蒼蒼華林園一徑積煙

霧蕭寺倚崇岡修竹四森布入門幽鳥鳴搖落秋
氣暮微微龕燈明隱隱夕磬度憑高眺白門百里
見雲樹山靄及湖波窈窕各奔赴昆明鎖寒煙猶
憶屯兵處當年蕭蘭陵三十稱虎步傳檄下江南
一戰移齊祚可憐壽陽來建康遂多故干戈尋未
休陵谷變已屢弔古向招提徘徊不能去

秦淮旅夜同黃芳亭作

宿雨收碧漢秋宵歎滯淫涼風三弄笛冷露萬家
碓墜葉林中急微波郭外深青溪楊柳色愁絕故

金陵道中

疎柳石城邊
離心滿江冰
多少六朝愁
落照西風裏

江頭正晚潮
客子掛帆去
日暮雨瀟瀟
烏啼白門樹

送趙升之歸松江

秋風搖落柳如絲
又是旗亭錄別時
芳草綠波橋畔酒
夕陽紅樹客中詩
九峯木落支筇好
三泖尊香放艇遲
後夜春申江上月
折麻早爲寄相思

懷王琴德錢曉徵

青溪歸棹悵離羣
禪榻茶煙夜漏分
白露爲霜人乍去
碧天如水雁初聞
三秋客思憐王粲
五字詩名數仲文
準擬蘇臺重話雨
支筇踏遍洞庭雲

送王鳳喈之楚中

奏罷陽關落照愁
楚雲迢遞送孤舟
長江九派春潮急
一路青山到鄂州

武昌楊柳綠初齊
渺渺樊城落月低
一片孤帆回首望
白雲無盡漢江西

天台山歌送沈歸愚夫子

天台山高峙靈越
煙光隱現開雙闕
鳥道斜連葛

嶺雲龍湫倒映寒巖月赤城拔起何龍從紫霞明
滅金芙蓉靈氣蟠結雄南東上帝賜與神仙宮陰
崖遠通一線日絕壑橫臥千年松盤盤鐵鎖不到
頂但見飛梁峭壁縹緲懸空中先生本是煙霞客
解組歸來樂泉石選勝還升陶令輿探奇更蠟謝
公屐金箱常貯真形圖興酣奮袂尋仙都靈溪幽
溪谷窈窕魏嶺察嶺嵐糝糊身倚千尋梯手持九
節杖捫蘿直躡層霄上白鳳青鸞倏有無朱幡絳
節時來往微茫滄海水一杯竒峯四拱青崔嵬石
梁中斷雙崖開白虹倒掛奔晴雷珠簾千層滙玉

鏡石筍萬仞懸瓊臺松門之西敞靈境居處切兩袖天
風浮絕磴斷猿哀鳥左右啼瑤草萋萋滿幽徑白
雲自散春巖青氣躡隱隱乘風行仙源一別三千
齡碧桃花落寒泉清層樓十二開瑤京洞中玉女
相逢迎金漿石髓遞相勸浩歌一曲凌蓬瀛福庭
如此堪棲託自笑天涯空寂寞採藥峯頭路不迷
十年忍負山中約翠壁丹梯東望遙何由相伴陟
岑巖惟餘華頂三更夢遠逐錢塘一夜潮

七子詩選

卷十四

嘉定曹仁虎來殷一字習庵

號國夫人早朝圖

柳陰蒼蒼華清路玉壺漏盡鐘聲度
百花濕露夜將闌紅燈夾道連香霧
銀髮細絡連錢駒金鞍寶鐙何閑
都宮衣黃門侍左右欲進未進行
踟躕八姨新妝最窈窕早朝淡把蛾
眉掃龍婉鴻鶯意態濃鞭絲斜控
臨官道須臾曉色來天街內監絡繹
紛相催西方沉沉壁月落禁中魚
鑰千門開花萼樓頭朝設宴大廷
且免羣臣見後官無事共娛嬉

曲江遠謫誰人諫芙蓉園畔驪山旁車騎五隊爭
輝煌遺鈿墜烏不知數十里但覺春風香盛衰轉
瞬匆匆變潼關忽見盈刀箭合歡堂址久成塵丹
青猶識圖中面回首豪華迹已陳馬嵬遺恨共悲
辛淋鈴一曲無窮淚可憶平明上馬人

秋晚田家雜興

日出寒鴉鳴曉霜在茆屋秋風一夕來景物淒以
肅出門望高原疎烟生郊牧山田幸有收離離禾
黍熟一家往南村及時刈新穀不辭筋力疲庶期
衣食足童稚各欣欣黽勉負菽粟老農多好懷相

顧遂所欲擔荷尋歸途斜陽下喬木柴門無人來
黃犢籬邊宿

老農八九家結鄰向南畝晨夕時過從草舍亂前
後兒童每同羣婦女各話舊豐歉恒相關地偏俗
亦厚新稻既登場招我田間友厨中出盤飧錯雜
羅左右念茲終歲勞且盡盈尊酒野人多樸誠賓
主亦何有頽然一醉餘涼月升高柳

茆茨明遠火打稻連千村農歌互酬答隱隱中宵
聞朝來行場圃初陽散微溫鳥雀繞高廩千百同
其羣微禽既得食上下聲相喧萬物各自得吾懷

復何言

僻居在窮鄉終年少聞見田事幸有成值此歲將
晏常恐胥吏來追呼擾昏旦晨興偕比鄰輸租入
城縣閒行上訟堂鞭撲聲相喚顧此中心傷往往
形感歎歸來語兒孫及時須勤儉耒耜非不勞躬
耕分所慣力田自逢年井稅毋敢慢勉為農家流
庶以免憂患

驚風吹落葉飄蕩離本根悠悠沮溺子終歲依田
園老妻抱甕出稚子持竿還道遙值農隙無事心
自閒前村起暝色荆扉猶未闕偶逢隣叟至相對

多歡顏但言兒女大兼憂稼穡艱
今秋幸豐稔貧乏得自全
有年未可恃還當憶無年

山行

野寺聞犬吠空林人暮歸
風微水竹響日暝漁樵
稀遠火出松徑疎烟生
板扉山僧久相待習靜共
忘機

輓王良齋夫子

尚湖歸去謝朝簪憲府聲名冠古今
執法烏臺唐御史談經絳帳漢儒林
賦成賈誼年華逝文付侯芭著述深
歎息平生知己淚臨風忍鼓伯牙琴

梁溪舟中

梨花如雪柳如絲
新水初生拍艣枝
長愛黃公澗
邊路一蓬疎
雨品茶時

菴畫溪

菴畫春光水拍堤
孤蓬殘照小橋西
白蘋千頃鷺
初散紅杏一
村鶯亂啼
杳杳漁榔風外響
亭亭翠嶂霧中低
連波便擬浮家去
茶具都籃手自攜

漂陽道中同諸子分韻

洮湖西去釣人居
面面垂楊畫不如
兩岸鳥聲疎
雨後一溪花影晚
晴初高情擬續襄陽傳
趨隱還

求笠澤書千里，萼羹風味美。綠蕤青箬好，相於

支硎

支硎何窈窕，幽尋渺無極。綠苔緣崖間，青松被巖
隙。蕭條清風來，寂歷曉露滴。數里叢修篁，踈枝礙
行跡。山鳥時一鳴，幽草誰能識。微聞東林鐘，迢迢
出空碧。何當攜戒具，來此伴禪客。

寒山

孤磬出林際，空山獨到時。鳥聲新雨霽，松影夕陽
遲。落葉飛青嶂，寒泉響碧池。何當繼高躅，棲隱向
茆茨。

趙凡夫故居

修篁森千枝長松倚百尺蒼蒼法螺庵云是高人
宅當年趙隱君於此耽閒適鶯啼書館幽草長雲
廊碧誰知歸禪宮寒山自春色徘徊緬遺踪風泉
響岬石

泊山塘

宛轉芳隄落鏡中櫂聲隱隱出烟叢花前玉笛千
家月柳外珠簾七里風水漲橋痕添澹沱雲封塔
影入溟濛蓮更欲轉燈初歇獨向寒塘繫短篷

吳門春日雜詩

縠紋新漲碧迢迢細柳千絲覆板橋燕子欲來風
雨急春光容易度花朝

長隄回望草芊芊寒食人家欲禁煙寂寞桐花深
院裏曉寒愁賦衍波箋

吳綿欲卸正新晴客裏韶光畫不成惆悵江樓人
夢醒杏花門巷聽啼鶯

樓閣層層月影低紅橋畫舫望中迷冶春長記銷
魂候一路簫聲過白隄

碧羅雲淨暮霞殘試罷春衫怯薄寒好是荼蘼風
信到飛花如雪撲闌干

夢雨傷春盡，可憐芳郊二月賣餠天。紅闌綠樹橫塘路，一片新波送畫船。

青苔寂寂閉重門，銀葉香添寶鼎溫。落盡櫻桃春事晚，一簾微雨近黃昏。

屏山象曲護窗紗，小徑蘼蕪一道斜。喚起江南無限恨，畫闌銀燭按琵琶。

短夢輕塵忍再論，天涯芳草泣王孫。桃花塢畔重重樹，流水殘紅獨掩門。

通波橋外泛孤蓬，水郭山村杳靄中。忽憶故園三月晚，棟花風急雨濛濛。

寂寞蕭齋臥病身，笛牀箏柱總前塵。
綠陰十里鶻聲老，催得東風到暮春。

愁比春潮來有信，夢隨曉月去無痕。
懷人惜別年，年事取次風光欲斷魂。

春草

春來到處綠迢迢，一抹平蕪入望遙。
青塚舊愁連朔漠，白門遺恨送南朝。
籠煙隱隱迷芳榭，帶雨萋萋上畫橋。
惆悵清明寒食後，王孫歸路最魂銷。

水北花南遠近同，又看生意到芳叢。
玉階尚濕三更露，金谷初回二月風。
紅雨長隄行緩緩，綠波別

浦送匆匆最憐一片青袍色歲歲和煙滿故宮
苔階蕙徑影參差夢裏池塘有所思紫陌風和吹
乍長紅閨雨過鬪還遲香連舞扇斜陽外輾送遊
車暮靄時三月江南春似水芳郊齊唱踏青詞
秀色濃香盡可憐東臯一望最芊芊千家細雨飛
花地十里輕陰落絮天小院無情侵屈戍閒庭有
恨上鞦韆舊遊回首蘇臺路長記青青被酒眠

滄浪亭懷古

西風一夜入林木秋聲颭颭敲寒窗朝來新涼生
庭戶相攜載酒浮吳艫滄浪勝地遠塵市紅闌遮

邏連苔石平林不須屐齒蠟小徑底用籃輿扛殘
荷敗葦望不極縠紋新漲波淙淙茅亭茶柵接村
落時看籬畔驚花老屋角低迷露鴨脚墻腰瑣碎
攢雞羸踈帘影外綠楊下漁舟斜繫平橋椿曲磴
層層踏白石遙岑隱隱羅青嶺北碕遺址久寂寞
三間亭子臨崆峒嗚呼吳興謫司馬健筆獨舉如
長杠區區酒食事本細衆口彈劾言多隗清風明
月恣嘯傲天遣名士來南邦疏泉疊石不草草風
潭百頃流琤璫縹帙千箱映几席濁醪一斗開甕
缸有時浩歌還獨往幅巾垂釣臨寒江投閒有如

谷口鄭耽隱頗似襄陽龐才人去國不復返歲月
轉眼如奔馳只今遺祠近佛宇臨風婀娜搖幡幢
蕭蕭落葉滿階砌一龕明滅琉璃缸吾來憑弔石
枰畔懷古耿耿心難降當年歐梅盛文藻來往秀
句爭新腔濯纓人去腸詠歌虛堂獨到音瑟瑟梅
岬竹塢盡蕭瑟但有野老時耕耨賜章賜蔡非一
姓惟公名氏驚愚蠢高風千載不可作溪毛欲薦
拳離泣平生雅抱山水志探幽不惜芒屨雙金庭
玉柱稱秀絕髻鬟點點浮煙鬢五湖秋色足登眺
便擬一棹揚輕篋徘徊歸去日欲暮南禪古寺昏

鐘撞

夜坐寄吳澤均

風枝宿鳥喧露砌寒蟲響山空夜不眠孤月竹間
上踈燈耿紙窗落葉驚羅幌離鴻一夕來始覺秋
氣爽回憶素心人何時共幽賞

晚眺

梧葉下庭際秋宵萬籟幽雲歸林外寺月上竹間
樓玉笛聲還度銀河影欲流涼風吹早雁歷歷引
離愁

夢遊黃山歌寄吳企晉

我聞黃山之峯三十六絳闕瓊樓記仙籙鐵鎖高
懸洞口梯珠簾倒掛巖間瀑蓮花萬仞搖金莖石
棧中斷雲冥冥半空飛鳥不敢度層巒疊嶂摩天
青吳郎逸興真無偶闔閭城邊一握手自言新上
天都峯萬里青冥弄星斗羨君振袖碧雲端未得
相從奮羽翰酒酣長嘯日欲暮夢中忽遇仙山路
醴泉琪樹左右迎鳥道羊腸屢迷誤攀石筍之嗟
峨望玉屏之杳靄上凌紫極煙濛濛寶鼎丹經復
安在綠篠颯颯青林幽綵鸞彷彿從空遊千盤萬
折忽到頂丹崖碧磴開雙眸廬山縹緲楚水迢遙

蒼松百丈白練千條雲氣縷縷生山椒青螺隱現
堆銀濤空中萬籟聲嘈嘈天雞夜半鳴寒潮金烏
躍翅騰層霄日光下燭萬峯紫芙蓉不動青天高
浩歌一曲凌蒼莽獨立層巔發遐想峭壁煙開控
鶴翎危厓月白攜龍杖巖際倏忽生天風飄飄吹
落軒轅宮璿臺十二開玲瓏琅璈仙樂聞長空容
成來往若可逢朱幡絳節方雙瞳手揮玉塵向我
笑置身直在虛無中瓊漿一飲顏色改滄桑下視
徒匆匆金童玉女重把袂塵凡小別三千歲覺來
月落夜烏啼猶認仙都共高會風馬雲車首重回

終當遺世陟崔嵬便尋碧海三層躋高臥丹砂百尺臺

瓜州

寒塘官柳自依依傍听人家住翠微野店一旗帆
盡卸澄江千頃鷺孤飛海門日落潮聲急京口峰
高樹影稀杳杳輕舟行漸近生涯擬托釣魚磯

渡江

澄江如練客舟輕遙指金陵一日程楚水亂帆時
近遠吳山殘雪半陰晴濛濛浦樹煙中出點點沙
禽望裏明無限南朝興廢感寒潮空到石頭城

洪濟寺

丹崖千仞鬱嵯峨有客凭欄獨放歌
澗道水聲疎雨歇江天帆影夕陽多
粥魚茶版泠泠出月榭風亭歷歷過
回首征途馳逐倦一燈方丈問維摩

秦淮寓舍

雲昏白下門水漲青溪柵
纖月映寒流傷心江令宅

今古銷魂處猶尋長板橋
秦淮無限柳煙雨送南朝

登雞鳴山眺後湖

振策重登建業城，丹梯碧磴望中明。
澄波千頃水禽散，落照一陂山雨晴。
射雉塲荒芳草合，聞雞埭遠野煙生。
華林舊苑銷亡盡，惟見漁舟日暮橫。

秦淮水榭偶成

建業南來道路遙，春深客思最無聊。
新波淼淼思千里，芳草萋萋送六朝。
雨後飛花桃葉渡，煙中遠樹石城橋。
最憐寂寞寒更裏，獨向秦淮聽玉簫。
畫閣家家近水涯，柳陰垂碧映窗紗。
魂銷白下清商曲，夢繞青溪舊酒家。
寶篆香微燈欲炧，銀箏響斷月初斜。
無端振觸江南恨，禪榻茶煙感歲華。

俠客行

少年遊俠子錦帶佩吳鈞朝過樗杜里暮宿咸陽
樓一朝結客在薊州慷慨誓報主人讎華堂沉沉
將進酒黃金白璧為君壽黃金自言貴白璧自言
珍輕生狗知己名利安足論西日匿景北風揚塵
壯士躍馬中夜出門流星掣空馬蹄疾百里馳歸
月未沒鹿盧一擲作龍吟斑斑已蝕離家血

暮歸

暮色起前村田家隱桑柘輕舟漾寒潮江空靜遙
夜煙昏牧笛歸月暗孤帆卸疎燈出籬間依依見

茅舍家人酌清尊情話不知罷流螢竹外斜宿鳥
林中下涼葉滿庭階悵然感凋謝

吳門客舍偶成

迢遙鄉信隔魚函惜別懷人思不堪最是燈昏香
炮後一聲新雁到江南

柔曲屏山曉夢遲迢迢紅豆最相思素琴明鏡無
由寄腸斷空閨病起時

簪花細字試麋丸尺素傳來剪燭看吟到小樓惆
悵句碧梧葉落雨聲寒

銀荷葉燼奈愁何隱隱微聞水調歌一夜江頭砧

杵急金閨亭外月明多

藕花風定夜厭厭一桁明河壓畫檐記得小窗相
伴讀晚涼庭院水晶簾

寂寞閒階響暗蛩鄉園雲樹隔重重芭蕉一夕瀟
瀟雨獨聽南禪寺裏鐘

斷雲疎樹入新秋玉漏沉沉詠四愁今夜棗花簾
外月有人倚遍最高樓

薄病輕寒酒半醒風塵書劔悵飄零魂銷此日蘇
臺路一片秋聲枕畔聽

題沈冠雲徵君太湖秋望圖

虛堂拂素練，歛忽生長風。具區宛到眼，煙水浮空濛。
蒼茫三萬六千頃，金庭玉柱神仙宮。莫釐縹緲望不極，
朝嵐夕翠山光濃。先生手携九節杖，探竒直躡遙峯上。
雨後層層散白雲，煙中點點浮青嶂。拂袖對滄波，凌空一放歌。
蕭疎竹樹樽前合，隱現帆檣檻外多。如君雅尚真希有，著述紛綸期不朽。
高詞往往媿典墳，古義時時煥星斗。周官司祿籍，雖亡頓使羣疑一。
朝剖落拓頻年兩鬢斑，幽棲猶自滯田間。別裁僞體羞逢世，獨抱遺經自閉關。
金闈亭下相逢處，問竒載酒摠情慳。一代儒林識伏

生千秋絕業推轅固回首壯遊今幾載披圖忽見
名山在彷彿波濤浩淼流淋漓粉墨窮雕鏤琪花
瑤草巖間路竹塢銅坑鏡裏洲君家五湖濱時放
五湖櫂釣雪灘邊眺望閒垂虹橋畔行吟好相看
身世寄樵漁碧樹紅泉擬結廬包山何日揚帆去
同訪靈威古洞書

題翁胡夫先生秋林覓句圖

高館掩蘿薜悠然停玉琴涼颺一夜起落木秋山
深雲壑少塵色石泉清道心微吟不知暮斜日下
空林

登靈巖

谿迴停蘭橈一徑破蒼靄層峯隱孤雲斷澗流淺
瀨行行不辭勞空翠落衣袂林昏野烟微路仄崖
石礙迴看徑轉幽遠矚情逾快嵌空出招提鈴鐸
語天外蕭條掩石門寂歷到香界客來息煩襟散
髮對清籟憑高俯湖光波濤勢交會遙山七十二
羅列青如黛煙嵐入空濛朝暮各殊態緬惟館娃
人事去逾千載香徑寒流清屨廊荒草廢夕霏送
殘陽峯巔變明晦蕭蕭聞松篁隱隱動梵唄支筇
隨歸樵蒼茫發長慨

鹿城道中寄王琴德

杳杳山城欲暮時
西風一路柳如絲
菽苗水漲遊魚上
楓葉霜濃落雁遲
作客長縈滄海夢
懷人獨詠碧雲詩
秋江淼淼菱歌歇
倚徧蓬窗有所思

秋夜書懷

砌冷孤蛩斷林空
旅雁過三秋
供臥病萬事入狂歌
白髮親闈遠
青衫客淚多
夜闌還翦燭
歸夢隔滄波

月暗寒星大風高
畫角愁清時
猶落魄暮節最離憂
寂寞千秋事
蹉跎五嶽遊
生涯何處是
遠望一

登樓

廡下梁鴻隱林中阮籍狂年華悲晚晚世態閱蒼
茫拂劍思前事啣杯說故鄉舊遊俱不賤幾輩賦
長楊

遠道容顏改窮途意氣增風塵秋伏枕雨雪夜挑
燈作客悲王粲謀身感杜陵西山期養拙回首碧
陵增

過徐元歎落木菴

秋霽群壑明寒卉曉尚吐言尋野外廬獨往林中
路迴檐丹嶂傾抱砌碧泉注淅淅松翻風濡濡竹

泣露依池窺潛鱗企木羨息羽清遊既歡人
猶緬故薜蘿荒舊祠薇蕨委遺墓感彼陵谷懷領
茲礪阿趣裴裛想遺風喟然眷貞素

婦病

婦病閨中久匆匆逼歲除無人親藥裏有淚滴方
諸寂寞刀環約迢迢尺素書鹿門偕隱好歸計竟
何如

題宋人嶺梅圖

紆千山雀破午夢荆扉剝啄傳魚函故人寄示梅
花卷千樹萬樹圍重巖恍疑置身大庾嶺丹崖碧

嶂高巉巉山中臘後花信早雨雪幾日飛霰靈此
時枝頭忽破萼冰魂不畏春寒巖斷雲高低望杳
靄落月遠近迷暫暑清香未容俗客到冷蕊時有
幽禽鷓整斜踈密各有態紛紛桃李皆卑凡人家
幾曲最清絕三間矮屋臨空嵌花南水北妙結構
墻角隱隱羅松杉踈籬還看枳樹縛仄徑別見苔
垣鑿危峯下尋石齒齒曲澗一道波黯黯霜天角
斷夜欲曉彷彿翠羽相呢喃吾聞華光善禪理落
筆生意窮毫纖後來能事數吳鎮梅花菴主親題
劉此圖宋代推好手歛識惜少冰條銜當年曾入

格天閣金題玉躒深藏緘權門勢駸詎足久歲月
一去如鶩飄雲烟過眼盡可歎名畫零落歸山岳
孤芳寂寞幸無恙寶繪疑有神明監長與幽人伴
晨夕珍愛不啻千球璣晴窗非几時展翫芸香細
藝防梅賦生平雅抱泉石志頗覺與俗殊酸醜探
幽嗜癖不知饜有似染指貪夫饒年來蘇臺作客
久虎山橋下抽輕帆崦東崦西香雪裏時曳筇杖
披春衫舊遊回首隔夢寐開圖一笑潛矜歛此中
坐臥良不惡便擬歸隱攜長鏡暗香疎影足吟嘯
三徑自把黃茅芟題詩聊作息壤約漫拈秃管揮

秋斃

贈許子遜先生

嶺海迢迢眺望雄
凌雲健筆氣如虹
千重粵嶠寒煙外
萬里珠江落照中
彭澤歸來吟興在
茂陵老去舊遊空
醉餘壯志看猶昨
能拓藍田二石弓